



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-414-4/22**
Datum: **26.09.2022. godine**

«Agencija za vodno područje rijeke Save» Sarajevo rješavajući po zahtjevu Direkcije za ceste Zeničko-dobojskog kantona za izdavanje vodne saglasnosti za aktivnost – izgradnja mosta preko rijeke Krivaje na regionalnoj cesti R 467, dionica Podkamensko-Olovo u naselju Boganovići, općina Olovo, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Direkciji za ceste Zeničko-dobojskog kantona daje se vodna saglasnost za aktivnost – izgradnja novog mosta preko rijeke Krivaje na regionalnoj cesti R 467 (dionica Podkamensko-Olovo na stacionaži ST 18+500km) u naselju Boganovići na parcelama označenim kao k.č. broj: 2115, 2116, 2369/2, 2373 K.O. Olovo i k.č. broj: 3067, 3143/4, 3143/5, 3349 i 3366 K.O. Solun I, općina Olovo a na osnovu projektne dokumentacije:
 - Glavni projekat novog mosta preko rijeke Krivaje na regionalnoj cesti R 467, dionica Podkamensko-Olovo, na stacionaži ST 18+500km u naselju Boganovići, općina Olovo, urađen od strane «PANACON» d.o.o. Sarajevo (broj: 12126-21, decembar 2021. godine) te revidovan od strane «TZI-INŽENJERING» d.o.o. Sarajevo (broj: 810/2021, decembar 2021. godine),
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji novog mosta preko rijeke Krivaje na lokalitetu postojećeg mosta u naselju Boganovići, općina Olovo, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova neophodno je utvrditi postojanje instalacija vodovoda i kanalizacije, plina i ostale infrastrukture na obje obale i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.6. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.

- 3.7. U visinskom pogledu niveletu mosta uskladiti sa utvrđenom kotom velike vode rijeke Krivaje i proračunatim usporom usljed mostovskog suženja ($K_{VV1/100} = 511,45$ m.n.m.), odnosno kotom donje ivice konstrukcije mosta ($K_{DIK} = 512,41$ m.n.m.).
- 3.8. Korisnik saglasnosti je dužan da riješi imovinsko pravne odnose na lokalitetu gradilišta i pristupnim putevima.
- 3.9. Zagate, napere i pomoćne objekte i zahvate u koritu koji prilikom izgradnje služe za lakše izvođenje određenih radova, izvesti na način da isti što manje ugrožavaju proticajni profil rijeke Krivaje, a nakon završetka radova iste je potrebno ukloniti i korito, obale i okolni teren dovesti u prvobitno stanje.
- 3.10. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
- 3.11. Pri utvrđivanju dinamike izvođenja planiranih radova (rušenje postojećih i izgradnja novih stubova, demontaža postojeće i izgradnja nove konstrukcije mosta, uređenje korita itd), voditi računa o periodu mriještenja plemenite ribe te istu usaglasiti sa ribolovnim društvima predmetnog područja.
- 3.12. U toku radova na izgradnji novog mosta, iskopani materijal i otpad koji će nastati u toku demontaže postojeće konstrukcije mosta se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.13. Po završenim radovima, potrebno je izvršiti uređenje korita, obala i pojasa u kome su vršeni radovi, tj. dovodenje kompletnog terena u prvobitno stanje.
- 3.14. Ukoliko se izvođenjem predmetnih radova ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
4. Po završetku izgradnje predmetnog mosta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
5. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeta izgradnja predmetnog mosta u skladu sa glavnim projektom iz tačke 1. dispozitiva ovog rješenja.
6. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane Direkcije za ceste Zeničko-dobojskog kantona u Agenciji je dana 19.08.2022. godine zaprimljen zahtjev za izdavanje vodne saglasnosti za aktivnost - izvođenje radova na izgradnji novog mosta preko rijeke Krivaje na regionalnoj cesti R 467 (dionica Podkamensko-Olovo, na stacionaži ST 18+500km) u naselju Boganovići na parcelama označenim kao k.č. broj: 2115, 2116, 2369/2, 2373 K.O. Olovo i k.č. broj: 3067, 3143/4, 3143/5, 3349 i 3366 K.O. Solun I, općina Olovo na osnovu projektne dokumentacije: Glavni projekat novog mosta preko rijeke Krivaje na regionalnoj cesti R 467, dionica Podkamensko-Olovo, na stacionaži ST 18+500km u naselju Boganovići, općina Olovo, urađen od strane «PANACON» d.o.o. Sarajevo (broj: 12126-21, decembar 2021. godine) te revidovan od strane «TZI-INŽENJERING» d.o.o. Sarajevo (broj: 810/2021, decembar 2021. godine) a u postupku pribavljanja odobrenja za građenje mosta.

Uz zahtjev nije dostavljena dokumentacija koja je propisana članom 8. i članom 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata te je dopisom broj: UP-1/21-2-40-414-2/22 od 22.08.2022. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja broj: 04/5-1/IV-17-15-2406/2012 kojim se potvrđuje da Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica, Kučukovići br 2 Zenica identifikacioni broj: 4218342030025 nije upisano u Jedinstveni registar obveznika indirektnih poreza kao obveznik poreza na dodanu vrijednost u Regionalnom centru Sarajevo izdato dana 27.07.2012. godine od strane Uprave za indirektno-neizravno oporezivanje Banja Luka,
- Ovjerena kopija Uvjerenja o poreznoj registraciji za Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica izdatog dana 16.04.2010. godine od strane Porezne uprave – Kantonalni ured Zenica,
- Ovjerena kopija Obavještenja o razvrstavanju jedinice u sastavu pravnog lica po djelatnosti broj: 04-32.5-1-4218342030009/08 za Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica izdatog dana 16.04.2010. godine od strane Službe za statistiku za područje Zeničko-dobojskog kantona,
- Kopija Zakona o izmjeni i dopuni Zakona o kantonalnim ministarstvima i drugim tijelima kantonalne uprave («Službene novine Zeničko-dobojskog kantona», broj 3/10),
- Kopija Uvjerenja broj: 04-19-4-494/22 o usklađenosti planiranih aktivnosti sa prostorno planskom dokumentacijom izdatog dana 20.04.2022. godine od strane Službe za ekonomske poslove Općina Olovo (prilog-Izvod iz Odluke o usvajanju karte osnovne namjene površina),
- Kopija Rješenja o urbanističkoj saglasnosti broj: 12-19-2217/22 izdatog dana 07.07.2022. godine od strane Ministarstva za prostorno uređenje, promet i komunikacije i zaštitu okoliša Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-1/21-1-40-178-6/22 izdatog dana 26.05.2022. godine od strane «Agencije za vodno područje rijeke Save» Sarajevo,
- Glavni projekat novog mosta preko rijeke Krivaje na regionalnoj cesti R 467, dionica Podkamensko-Olovo, na stacionaži ST 18+500km u naselju Boganovići, općina Olovo, urađen od strane «PANACON» d.o.o. Sarajevo (broj: 12126-21, decembar 2021. godine) te revidovan od strane «TZI-INŽENJERING» d.o.o. Sarajevo (broj: 810/2021, decembar 2021. godine),
- Dokaz o uplaćenju upravnoj taksi na zahtjev,

Na osnovu uvida u dostavljenu dokumentaciju utvrđeno je sljedeće:

U naselju Boganovići, općina Olovo na lokalitetu postojećeg, dotrajalog mosta predviđena je izgradnja novog mosta preko rijeke Krivaje na regionalnoj cesti R 467 (dionica Podkamensko-Olovo na stacionaži ST 18+500km). U situacionom pogledu, u potpunosti je zadržan postojeći položaj mosta. Konstrukcija mosta slijedi geometriju ceste na mostu. Projektom je predviđeno da se nakon uklanjanja ostataka starog mosta, gradi nova AB mostovska integralna konstrukcija dužine 64,50m sa tri polja raspona (17,00+20,50+17,00); širina kolovoza 2x2,95m. Rasponska konstrukcija je puna ploča konstantnog poprečnog presjeka. Srednji stubovi su oblikovani tako da što manje ugrožavaju hidraulički profil rijeke Krivaje.

Za novi most u naselju Boganovići, u visinskom pogledu niveleta mosta prevashodno je određena na osnovu hidrauličkog proračuna otvora mosta kojim je za max proticaj povratnog perioda 1/100 utvrđena kota velike vode rijeke Krivaje na lokaciji mosta od $H_{1/100}=511,45$ m.n.m. odnosno kota donje ivice konstrukcije mosta (512,41 m.n.m.) je na visini od 0,96m iznad kote velike vode povratnog perioda 1/100. Obzirom da je na mostu vertikalna krivina sa max visinskom kotom na sredini mosta i da je poprečni nagib mosta konstantan (2.5%) predviđeno je da se oborinske vode sa kolovozne konstrukcije mosta kanališu iza lijevog krilnog zida upornjaka U1 i U2 i direktno ispuštaju u rijeku Krivaju.

Lokacija mosta je usaglašena sa važećom prostorno planskom dokumentacijom općine Olovo. Urbanističke uslove za izgradnju predmetnog mosta je kroz Rješenje o urbanističkoj saglasnosti izdalo nadležno Ministarstvo za prostorno uređenje, promet i komunikacije i zaštitu okoliša Zeničko-dobojskog kantona.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane ovog organa, broj: UP-1/21-1-40-178-6/22 od 26.05.2022. godine, te je shodno članu 114. stav (3) Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat novog mosta preko rijeke Krivaje na regionalnoj cesti R 467, dionica Podkamensko-Olovo, na stacionaži ST 18+500km u naselju Boganovići, općina Olovo, urađenu od strane «PANACON» d.o.o. Sarajevo (broj: 12126-21, decembar 2021. godine) te revidovanu od strane «TZI-INŽENJERING» d.o.o. Sarajevo (broj: 810/2021, decembar 2021. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, propisani uslovi u skladu sa članom 114. Zakona o vodama i članom 10. Pravilnika o sadržaju, obliku, uvjetima načinu izdavanja i čuvanja vodnih akata, koje je isti dužan ispuniti u toku gradnje predmetnog mosta.

Podnosilac zahtjeva je uplatio upravnu taksu u iznosu od 60 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:


Nermina Hodžić, dipl.ing.građ.

Prilog:

- Ovjeren Glavni projekat novog mosta preko rijeke Krivaje na regionalnoj cesti R 467, dionica Podkamensko-Olovo, na stacionaži ST 18+500km u naselju Boganovići, općina Olovo, urađen od strane «PANACON» d.o.o. Sarajevo (broj: 12126-21, decembar 2021. godine)

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Direkcija za ceste Zeničko-dobojskog kantona
Kučukovići br2, 72000 Zenica (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava